



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Na osnovu člana 6. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22) Ministarstvo za boračka pitanja Kantona Sarajevo raspisuje

JAVNI OGLAS
za podnošenje zahtjeva za ostvarivanje dopunskih prava
porodica šehida i poginulih boraca, ratnih vojnih invalida
i demobiliziranih branilaca u Kantonu Sarajevo za 2024. godinu

I Podnošenje zahtjeva

Na ovaj Javni oglas zahtjeve mogu podnositi lica iz člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), i to: članovi porodica šehida, članovi porodica poginulih umrlih i nestalih branioca, ratni vojni invalidi i članovi njihovih porodica, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnog priznanja i odlikovanja, branioci, demobilizirani branioci, dobrovoljci, organizatori otpora, veterani i ratni vojni zarobljenici, kao lica zaslužna u odbrambeno – oslobodilačkom ratu sa područja Kantona Sarajevo, kao i mirnodopski vojni invalidi koji ispunjavaju uslove propisane navedenim Zakonom, za ostvarivanje slijedećih prava:

1. Zdravstvena zaštita;
2. Banjsko i klimatsko liječenje (medicinska rehabilitacija);
3. Naknada putnih troškova i troškova za liječenje u inostranstvu;
4. Prava po osnovu preostale radne sposobnosti;
5. Prednost u zapošljavanju;
6. Pravo učešća u programima za zapošljavanje i održivost zaposlenosti;
7. Prednost pri korištenju programa nadležnih službi za zapošljavanje;
8. Prvenstvo upisa u obrazovne ustanove i besplatno školovanje;
9. Stipendiranje;
10. Pravo na obavezne udžbenike za redovno školovanje, školski pribor i užinu;
11. Prednost pri smještaju u đačke i studentske domove;
12. Uklanjanje arhitektonsko-urbanističkih barijera za ulazak i korištenje stana u invalidskim kolicima;
13. Oslobođanje obaveze plaćanja naknade za pogodnost i naknade za uređenje građevinskog zemljišta:
 - a) nova individualna gradnja,
 - b) kolektivna gradnja;
14. Oslobođanje obaveze plaćanja naknade za dodijeljeno gradsko građevinsko zemljište;
15. Pravo na izgradnju stana;
16. Dodjela sredstava za rješavanje stambenih potreba u vidu jednokratnih bespovratnih sredstava:
 - a) dodjela građevinskog materijala,
 - b) izvođenje građevinskih radova i pružanje građevinskih usluga,
 - c) udruživanje sredstava za kupovinu stambene jedinice;

17. Pravo na stan u vlasništvu;
18. Prioritetno pravo za rješavanje stambenog pitanja pod jednakim uvjetima;
19. Naknada troškova dženaze - sahrane;
20. Podizanje nišana - nadgrobno spomenika;
21. Pravo dobitnika ratnih priznanja ili odlikovanja na obavještanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti;
22. Pravo na mjesečna novčana primanja (za dobitnike ratnih priznanja i odlikovanja i članove porodice poginulih, umrlih i nestalih dobitnika ratnog priznanja i odlikovanja, ratne vojne invalide kojima je priznato pravo na dodatak za njegu i pomoć od drugog lica, kao i nosioce „Partizanske spomenice 1941.“ i djecu šehida-poginulih borca-branitelja bez oba roditelja za vrijeme nezaposlenosti do zasnivanja radnog odnosa a najduže do dvije godine i najdalje do 35 godine života);
23. Dječiji dodatak (za djecu ratnih vojnih invalida sa utvrđenim invaliditetom od 20 do 80%);
24. Pravo na dodjelu jednokratne novčane pomoći:
 - a) plaćanje dijela troškova vanrednog školovanja i paralelnog samofinansirajućeg,
 - b) plaćanje dijela troškova II i III ciklusa Bolonjskog sistema studija,
 - c) dodjela novčanih sredstava za rješavanje socijalnih potreba (osnovne životne potrebe, teška oboljenja, nabavka lijekova, poplave, požari i sl),
 - d) plaćanje troškova stanarine,
 - e) plaćanje troškova grijanja;
25. Novčana egzistencijalna naknada (za nezaposlene demobilizirane braniocice i supruge umrlih demobiliziranih branioca mlađe od 57 godina);
26. Personalna asistencija za ratne vojne invalide-paraplegičare i ratne vojne invalide kojima je priznato pravo na dodatak za njegu i pomoć drugog lica;
27. Pravo na besplatni priključak na infrastrukturne mreže (voda, kanalizacija, el. energija, gas);
28. Besplatna vožnja;
29. Prednost pri zakupu i otkupu poslovnog prostora pod jednakim uvjetima;
30. Dodjela sredstava za održivi povratak.

Pored lica iz člana 1. Zakona o dopunskim pravima boraca-branitelja Bosne i Hercegovine za ostvarivanje dopunskih prava navedenih u tački I, pod brojevima: 1., 2., 5., 6., 7., 8., 9., 12., 13., 15., 22., 24.c) i 27., zahtjevima se mogu obratiti i djeca šehida i poginulih branilaca i nakon prestanka prava na porodičnu invalidninu.

Sva navedena prava se ostvaruju u skladu sa raspoloživim budžetskim sredstvima na način i pod uslovima utvrđenim navedenim Zakonom i podzakonskim aktima (prebivalište u Kantonu Sarajevo, status boračke kategorije i drugo).

II Mjesto podnošenja zahtjeva

Za priznavanje i ostvarivanje prava navedenih u tački I pod rednim brojevima: 1., 2., 4., 12., 13.a), 19., 22., 23, 25., 26. i 28. zahtjevi se podnose općinskoj službi za boračko-invalidsku zaštitu, prema mjestu prebivališta, koja donosi odgovarajuća rješenja.

Pravo navedeno u tački I pod rednim brojem 29. ostvaruje se putem nadležne općinske službe prema mjestu lokacije.

Za priznavanje i ostvarivanje prava u tački I pod rednim brojem 13.b) zahtjeve za refundaciju sredstava Ministarstvu za boračka pitanja Kantona Sarajevo (u daljem tekstu: Ministarstvo) podnose Fondu Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe i drugi pravni subjekti koji grade na lokacijama koje su općinskim odlukama predviđene za kolektivnu izgradnju za boračku populaciju, u ime krajnjeg kupca.

Za priznavanje i ostvarivanje prava navedenih u tački I pod rednim brojem 15. zahtjevi se podnose Fondu Kantona Sarajevo za izgradnju stanova za članove porodica šehida i poginulih

boraca, ratne vojne invalide, demobilizirane borce i prognane osobe (ul. Hivzi Bjelevca br.54, 71000 Sarajevo), uz prethodnu preporuku Ministarstva.

Za priznavanje i ostvarivanje prava navedenih u tački I pod rednim brojem 20. i 21. zahtjevi se podnose JU „Memorijalni centar Sarajevo“ (ul. Širokac br.22, 71000 Sarajevo).

Za priznavanje i ostvarivanje prava navedenih u tački I pod rednim brojem 7. zahtjevi se podnose nadležnoj službi za zapošljavanje, prema mjestu prijave u evidenciju nezaposlenih.

Za priznavanje i ostvarivanje prava navedenih u tački I pod rednim brojevima: 9. i 10. zahtjevi se podnose Fondu Kantona Sarajevo za stipendiranje i školovanje djece boraca, poginulih boraca i poginulih civila-žrtava rata „IKRE“ (ul. Alipašina bb (Olimpijski centar Zetra), 71000 Sarajevo).

Za odobravanje i ostvarivanje ostalih prava navedenih u tački I pod rednim brojevima: 3., 5., 6., 11., 14., 16., 17., 18., 24., 27. i 30. zahtjevi se podnose Ministarstvu (ul. Reisa Dž. Čauševića br.1, 71000 Sarajevo).

Pravo navedeneno u tački I pod rednim brojem 8. ostvaruje se putem srednjoškolskih i visokoškolskih ustanova u Kantonu Sarajevo.

III Rokovi za podnošenje zahtjeva

Zahtjevi za prava iz tačke I navedena pod rednim brojevima: 1., 2., 3., 4., 5., 7., 8., 10., 11., 12., 13., 15., 17., 18., 19., 20., 21., 22., 23., 24.a), b), c) i d), 25., 26., 27., 28. i 29. podnose se kontinuirano tokom godine, a u zavisnosti od raspoloživih namjenskih budžetskih sredstava;

Zahtjevi za prava iz tačke I navedena pod rednim brojevima: 6., 14., 16., 24.e) i 30. podnose se po posebno objavljenim Javnim pozivima - oglasima Ministarstva;

Zahtjevi za pravo iz tačke I pod brojem 9. za dodjelu stipendije Ministarstva za školsku 2024/2025. godinu se podnose po objavljenom Javnom pozivu Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata „IKRE“, a za stipendije Fonda „IKRE“ zahtjevi se podnose kontinuirano.

IV Sredstva za finansiranje prava

Sredstva za finansiranje prava iz tačke I ovog Javnog oglasa su planirana na budžetskom razdjelu Ministarstva u Budžetu Kantona Sarajevo za 2024. godinu. Obim ostvarivanja prava zavisi od visine odobrenih i raspoloživih budžetskih sredstava.

V Posebne napomene

U postupku rješavanja zahtjeva koji se podnose kontinuirano tokom godine će se pored opravdanosti zahtjeva uvažavati i datum podnošenja zahtjeva, a Ministarstvo zadržava pravo da prema broju podnešenih zahtjeva i predviđenim budžetskim sredstvima za realizaciju ograniči ili obustavi daljnji prijem zahtjeva.

Svi zahtjevi koji se podnose po posebno objavljenom Javnom pozivu - oglasu će se rješavati, odnosno odobravati samo ako su podnešeni blagovremeno u roku predviđenom posebnim Javnim pozivom - oglasom.

Obrasci za podnošenje zahtjeva za prava koja se ostvaruju u Ministarstvu mogu se preuzeti na info punktu Ministarstva (šalter sala Kantona Sarajevo) i na web stranici Ministarstva (<http://mbp.ks.gov.ba>).

Dodatne informacije mogu se dobiti na info punktu Ministarstva (šalter sala Kantona Sarajevo) ili putem telefona 033/562-273.

Ukoliko i nakon što dođe do izmjene propisa, odnosno gore navedenih prava, informacija o istom će biti blagovremeno objavljena na odgovarajući način.

Lica iz člana 1. navedenog Zakona kojima su dodijeljene novčane pozajmice za otvaranje radnih mjesta i novčane pozajmice za rješavanje stambenih potreba po ranije važećim propisima iz oblasti boračko-invaliske zaštite Kantona, a nisu uredno izvršili povrat dodijeljenih sredstava ili neizvršavaju redovno preuzete obaveze vraćanja dodijeljenih

sredstava, do izmirenja svojih obaveza po ovom osnovu ne mogu ostvariti prava propisana ovim zakonom, izuzev prava iz tački 1, 2, 3, 4, 8, 12, 19, 20, 21 i 23 Javnog oglasa.

Broj: 06-37-5385/24
Sarajevo, 26.02.2024. god.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba